

समे — 12:25

<><><><><>

एह आकाशवाणी जम्मू ऐ, हुन तुस पवन वर्मा कोला खबरां सुनो।

PM-Kumbh Projects

अज्ज प्रधानमंत्री नरेन्द्र मोदी होर महाकुंभ मेले थमां पैहले प्रयागराज च बुनियादी ढांचे गी बढ़ावा देने लेई 7 ज्हार करोड़ रपे दिएं मती सारी परियोजनाएं दा उद्घाटन करने लेई प्रयागराज पुज्जी गे न। प्रधानमंत्री होरें प्रयागराज च बुनियादी ढांचे गी बढ़ावा देने ते रोल कनैक्टिविटी उपलब्ध करोआने लेई 10 नमें फ्लाईओवर, स्मार्ट घाट ते रिवर शिडकें दे अलावा बक्ख-बक्ख रेल ते शिडक परियोजनाएं दा उद्घाटन ते शुरूआत करगंन। प्रधानमंत्री होर बड़्डे मंदरें दे गलियारे दा उद्घाटन बी करगंन। जिंदे च भरद्वाल आश्रम, श्रृंगविर पुर धाम गलियारा, अक्षयवर्त गलियारा, हनुमान मंदर गलियारा ते होरने मंदरें दे गलियारें बी शामिल न। मोदी होर कुंभ मेले आले इलाकें च इक रैली गी बी संबोधत करगंन। महाकुंभ 2025 12 जनवरी थमां 26 फरवरी तगर उत्तर प्रदेश दे प्रयागराज च होग।

<><><><><>

Jammu SIH Grand Finale

स्मार्ट इंडिया हैखथान एसआईएच दा ग्रैंड फिनाल कल आईआईटी जम्मू च सफलतापूर्वक सम्पन्न होइ गेआ। इस कार्यक्रम च मुख्य भूँई दिएं 28 टीमें हिस्सा लैता। इनें टीमें गी नैशनल क्रिटिकल इनफरमेशन इनफ्रास्ट्रक्चर प्रोटेक्शन सेंटर आस्सेआ साइबर सुरक्षा सरबन्धी चुनौती दित्ती गेई। 6 टीमां जेतु रेइयां। हर इक गी 1-1 लक्ख रपे दी राशि ते प्रमाण पत्र थ्होआ। एह पुरस्कार आईआईटी जम्मू दे निदेशक प्रो. मनोज सिंह गौर होरें दित्ते। इस मौके पर एम-क्योर फार्मासिटीकल दे एमडी, जम्मू कश्मीर बैंक दे क्षेत्रीय निदेशक, आईसीआईसीआई बैंक दे जम्मू, कश्मीर ते लद्दाख दे जोनल हैड मजूद हे। प्रो. गौर होरें प्रतिभागिणें दी सिफत कीती ते इयै ब४रे जतनें दी महत्ता गी उजागर कीता।

<><><><><>

Srinagar-SIH Grand Finale

स्मार्ट इंडिया हैखथान 2024 चे 7में संस्करण दा ग्रैंड फिनाले कल चिरें रातीं एनआईटी श्रीनगर च होई गेआ। नोडल सेंटर च 6 टीमां शीर्ष प्रदर्शन करने आलिणें दे तौरा पर उभरियै सामने आइयां। एनआईटी श्रीनगर पैहली बारी ग्रैंड फिनाले दी मेजबानी करा'रदा हा ते ओह देसै दे 51 नोडल केन्द्रें च शामिल हा। दो दिनें दे इस कार्यक्रम च युवा प्रतिभाएं थमां नमें विचारें ते समाधान दे नमें तरीकें दिक्खे गे। समापन सत्र च जेतु टीमें गी उंदे असाधारण प्रदर्शन लेई सारे बधाई दित्ती।

<><><><><>

Parliament

राष्ट्र अज्ज 23 ब'रे पैहले 13 दिसम्बर 2001 गी आतंकवादी हमले दरान संसदी गी रक्षा करदे होई शहीद होए दे सुरक्षा कर्मिं गी श्रद्धांजलि देआ'रदा ऐ। राष्ट्रपति द्रौपदी मुर्मू होरें आतंकवादी हमले दरान संसद दी रक्षा करदे होई अपनी जान देई देने आले बहादुर शहीदें गी श्रद्धांजलि भेंट कीती। अपने इक सोशल मीडिया पोस्ट च राष्ट्रपति होरें सुरक्षा कर्मिं दी हिम्मत ते निरस्वार्थ सेवा गी चेता करदे होई आखेआ जे ओह म्हेशां देश गी प्रकरत करदे रौंहगन। उपराष्ट्रपति जगदीप धनखड लोकसभा स्पीकर ओम बिरला, प्रधानमंत्री नरेन्द्र मोदी ते केन्द्री गृहमंत्री अमित शाह होरें बी शहीदें गी श्रद्धांजलि भेंट कीती।

<><><><><><>

ES-Constitution Debate

देशै च संविधान गी अपनाने दे 75एं ब'रे दी शुरुआत दे मौके उपपर लोकसभा च संविधान उपपर 2 दिनें दी बैहस शुरू होग। लोकसभा दे सूचिबद्ध एजेंडे मताबक भारत दे संविधान गी अपनाने दी 75मीं ब'रेगंड पर खास चर्चा होग। रक्षा मंत्री राजनाथ सिंह होर लोकसभा च संविधान उपपर बैहस शुरू करगन। प्रधानमंत्री नरेन्द्र मोदी हुंदा कल लोकसभा च संविधान बारे 2 दिनें दी बैहा दा परता देने दी मेद ऐ।

<><><><><>श

Kathua-Homeopathy College

जम्मू कश्मीर अपने पैहले सरकारी होमोपैथी मैडिकल कालेज दी स्थापना कन्नै सेहत ते चिकित्सा शिक्षा दे क्षेत्र च इक मील दा पत्थर हासल करने आला ऐ। आकाशवाणी जम्मू दे संवाददाता दी रिपोर्ट मूजब कडुआ जिले दे खखशरी इलाके च 57 कनाल ते 1 मरले च फैली दी इक थाहर दी पंचान हौमोपैथी कालेज दी स्थापना लेई कीती गई ऐ ते उत्थें नमीं इमारत बनने तगर कडुआ मैडिकल कालेज रु गै क्लासां लोआइयां जांगन। आयुष मंत्रालय नै इस परियोजना गी मंजूरी देई दित्ती ऐ। क्लासों दी शुरुआत मजूदा सत्र 2024–25 थमां शुरू होग। इस नमें संसिीन दे कन्नै गै इस क्षेत्र दे विद्यार्थिं लेई इक नमां मोड़ औने दी मेद ऐ। की जे उनेंगी हुन होमोपैथी दी शिक्षा लेई होरने राज्य च जाने दी लोड़ नेई पौग। कालेज गी अपने पैहले ब'रे च 63 सीटें लेई मंजूरी देई दित्ती गई ऐ। जेहदे च अधिक तौरा उपपर कमजोर तबकें लेई आरक्षण बी शामिल ऐ। 15 फीसदी सीटें गी केन्द्र आस्सेआ भरेआ जाग। जिसलै के जम्मू कश्मीर बोर्ड ऑफ प्रोफेशन एंटरेंस इक्जामिनेशन बाकी सीटें लेई चयन करग।

<><><><><><>

Hockey

हॉकी च भारत नै कल रातीं ओमान दे मस्कट च चला'रदी महिला दी जूनियर एशिया कप च अपने चौथे पूल-ए मैच च थाईलैंड गी 9–0 कन्नै हराई दित्ता। इस जित्त कन्नै भारत इस प्रतियोगिता दे सैमीफाइनल च पुज्जी गेआ ऐ। भारत दा अगला मकाबला कल सैमीफाइनल च जापान कन्नै होग।

<><><><><><>